


# 历代小说笔记选

(汉魏六朝)



# 历代小说笔记选

(汉魏六朝)



## 出 版 说 明

《历代小说笔记选》原由商务印书馆香港分馆出版。为满足读者需要，经我社与商务印书馆香港分馆商定，用该馆的纸型在广州重印，向内地发行。

## 林序

江文伯訓手選自漢至今代小說筆記之屬得百三十種馳書商定去取並屬爲之序中數種於所選不類或確爲僞書者似可刪間有以類相及可補取者如既收入蜀記則范成大之吳船錄驂鸞錄張祥河續驂鸞錄亦可並列既有老學庵筆記則續筆記亦不宜略老學庵續筆記傳本少見說郛有之旣修書報丈乃爲序曰小說始於漢筆記始於唐目錄家皆列諸子部其實皆史書之支流也班固稱『小說家者流蓋出於稗官街談巷語道聽塗說者之所造也』古史皆官書稗官者小官之稱小說之義通於小史其不謂之史者漢志不立史名戰國策太史公書皆附見於春秋稗官之書旣與此不稱故別之曰小說家耳隋志乃分正史古史諸目又創立雜史一類委巷迂怪妄誕之說亦備而存之此類首列周書舊唐書經籍志崇文總目等仍之而漢書藝文志『虞初周說九百四十三篇』張衡西京賦『小說九百本自虞初』漢書郊祀志『武帝太初元年是歲西伐大宛蝗大起雒陽虞初等以方祠祖匈奴大宛焉』虞初蓋方士者流小說家喜言怪異或源於此應劭曰『其說以周書爲本』今人劉咸炘校讎述林『周書七十一篇論者紛然吾從莊述祖之說而更詳之定爲周史記古傳記及子家述古三類之合成』虞初小說卽周說其說本於周書隋志列周書於雜史則小說獨不可入雜史類耶劉咸炘續校讎通義極言雜史體例綦嚴凡掌故傳記小說之類皆非其倫然終無以解於隋志雜史門之收王嘉拾遺記呂布本事諸書至於札記隨筆之作上文統編筆記劉氏以謂『自有此類而子史二部皆亂不別之於外

編四部難理也。其中有較純者。意存考證。別爲一目。意主記事。可入傳記。在乎善別擇而已。」語亦見續校讎通義。然則筆記之以記事爲主者。固仍於史部爲近耳。丈自序此編。以唐李肇國史補體例爲法。凡語涉報應鬼神等則去之。肇書蓋兼小說筆記兩體。而觀其命名。則固以補史爲志。直齋舊錄解題國史補卽入雜史類。自昔史家不廢說部。如後漢書採干寶搜神記。應劭風俗通。晉書採裴榮期語。林劉義慶世說。幽明錄。劉敬昇異苑諸書。司馬光與劉恕書稱。『今因修南北朝通鑑。乃知李延壽之書。亦近世之佳史也。雖於禨祥談嘲小事。無所不載。然敍事簡徑。比於南北正史。無煩冗蕪穢之辭。』夫史之爲義。有與奪焉。有褒貶焉。有鑒識焉。有諷刺焉。語見劉知幾史通自敍。說部語雖揚厲。而志在勸懲。史乘所錄。將以示後。固不徒使讀之者爲之解颐。聞之者爲之拊掌也。至如范鎮東齋記事。以蔡襄身爲蛇精。孔平仲談苑記。張士遜死入地獄似茲詭越之詞。自非良直所取。則此編之嚴汰荒誕。神異諸說。其廓清摧陷之功。豈惟說部之諍臣。抑亦史家之良輔。以視坊間稗販成編。蕪雜無例者。詎可同年而語。誠未容以委巷小辯流俗短書視之也。民國二十二年八月閩縣林志鈞

## 自序

唐李肇國史補序云語報應序鬼神述夢卜近帷箔悉去之紀事實探物理辨疑惑示勸戒採風俗助談笑則書之歐陽修歸田錄以肇爲法往者余傭書商務印書館嘗副東方圖書館館職每閱前人筆札竊師二公之意謬事去取得一百三十種顏曰精選歷代名人筆記排校甫竣乃以上海戰事商務印書館被焚原稿與清樣悉付灰燼而東方圖書館亦成瓦礫之所頻年所假手以徵集古今之遺聞軼事者至是乃全失其根據去夏歸里于役閩江公暇間於省會圖書館烏山圖書館借閱圖籍恍惚前稿印象猶留腦際則復從而輯之益以鄉里前哲遺文私家抄本及篋中所存涵芬樓祕笈若干種合以前稿所補錄者凡二百種改名歷代小說筆記選每與林仲樞先生往返函札商榷刪存仲樞之弟志鏡君適在省圖書館服務爲余探討藏書精詳無漏崑山胡君文楷舊與同事貽書贊助願預校讐編次既竟私幸前稿不至淹滅而後之所得比前輯乃增七十種然終未敢濫爲搜錄也生平深慨稗官小說多載神鬼荒唐及一切迷信報應之說鋗人神智流毒社會是輯紀載悉本此旨嚴加刪汰及讀歸田錄跋引李肇國史補序語則益自信此旨之不謬於前賢矣至於殊方異俗奇聞軼事凡足廣後賢之耳目引讀者之趣味者則仍博取無遺其於肇之所云紀事實探物理辨疑惑示勸戒採風俗助談笑者或有當也夫

民國二十三年三月閩侯江畬經

# 歷代小說筆記選目次

## 漢魏六朝

- 神異經 五十二則  
海內十洲記 全  
別國洞冥記 全  
笑林 十六則  
高士傳 十則  
博物志 九十八則  
西京雜記 五十三則  
搜神記 十三則  
拾遺記 四十七則  
搜神後記 二十二則  
佛國記 全  
齊諧記 五則

## 目次

宋 陶 王 干 葛 張 皇 郢 郢 朔 朔 漢  
東陽無疑顯潛嘉寶華謐淳憲 朔 朔  
釋法

歷代小說筆記選 漢魏六朝

異苑 五則

世說新語 二百二十三則

述異記 九十則

續齊諧 六則

荊楚歲時記 全

二

北齊 梁 刘敬叔  
宗 吳 任 義慶  
懷 均 防 慶叔

# 歷代小說筆記選

漢魏六朝

神異經

東荒經

東方有人焉男皆朱衣縞帶元冠女皆采衣男女便轉可愛恒恭坐而不相犯相譽而不相毀見人有患投死救之名曰善人一名敬一名美不妄言嚶嚶然而笑倉卒見之如凝

東方荒外有豫章焉此樹主九州其高千丈圍百尺本上三百丈本如有條枝敷張如帳上有玄狐黑猿枝主一州南北並列面向西南有九方士操斧伐之以占九州吉凶斫之復生其州有福創者州伯有病積穢不復者其州滅之

東方有桑樹焉高八十丈敷張自輔其葉長一丈廣六七尺其上有蠶作繭長三尺繰一繭得絲一斤有椹焉長三尺五寸慨歎人食之即止

東方有樹高五十丈葉長八尺其子徑三尺二寸和核羹食之令人益壽食核中仁可以治嗽小桃溫潤

東海之外荒海中有山焦炎而峙高深莫測蓋栗至陽之爲質也海中激浪投其上嶧然而盡計其晝夜

漢東方朔

神異經

一

鳴攝無極若熬鼎受其酒汁耳。

大荒之東極至鬼府山臂沃椒山脚亘洋海中昇載海日蓋扶桑山有玉雞玉雞鳴則金雞鳴金雞鳴則石雞鳴石雞鳴則天下之雞悉鳴潮水應之矣。

東方荒中有木名曰栗其殼徑三尺三寸殼刺長丈餘實徑三尺殼亦黃其味甜食之多令人短氣而渴東方裔外有建山其上多橘柚。

東南荒經

東南方有人焉周行天下身長七丈腹圍如其長頭戴雞父魋頭朱衣縞帶以赤蛇繞額尾合于頭不飲不食

東南荒中有邪木高三千丈或十餘圍或七八尺其枝喬直上不可鄰也葉如甘瓜二百歲葉落而生花花形如甘瓜花復二百歲落盡而生萼萼下生子三歲而成熟成熟之後不長不減子形如寒瓜長七八寸徑四五寸萼復覆生頂此不取萬世如故若取子而留萼萼復生子復二年則成萼而復生子其子形如甘瓢食之令人身澤不可過三升令人冥醉木高人取不能得唯木下有多羅之人緣能得之一名無葉世人後生不見葉故謂之無葉也一名倚騎

東南隅太荒之中有樸父焉夫婦並高千里腹圍自輔天初立時使其夫妻導開百川嬪不用意誦之並立東南男露其牝不飲不食不畏寒暑惟飲天露須黃河清當復使其夫婦導護百川古者初立此人開導河河或深或淺或隘或塞故禹更治使其水不壅天責其夫妻儻爾立之若黃河清者則河

海絕流水自清矣。

東南海中有煊州州有溫湖鮒魚生焉其長八尺食之宜暑而避風寒。

東南有石井其方百丈上有二石闕俠東南面上有蹲熊有榜著闕曰地戶

南荒經

南方有犬人面鳥喙而有翼手足扶翼而行食海中魚有翼不足以飛一名鴟兜書曰「放鴟兜于崇山」。一名驩兜爲人很惡不畏風雨禽獸犯死乃休耳。

南方有人長二三尺袒身而目在頂上走行如風名曰颶所之國大旱一名格子善行市朝衆中遇之者投著廁中乃死旱災消詩曰「早魃爲虐」或曰「生捕得殺之禍去福來」

南荒外有火山其中生不盡之木晝夜火燃得暴風不猛猛雨不滅

南方大荒之中有樹焉名曰粗稼樞粗者粗梨也稼者秩稼也樞親暱也三千歲作華九千歲作實其花蕊紫色其實赤色其高百丈或千丈也敷張自輔東西南北方枝各近五十丈葉長七尺廣五尺色如綠青木皮如梓樹理如甘草味飴實長九尺圍如其長而無瓢核以竹刀剖之如凝蜜得食復見實即滅矣言復見後實熟者壽一萬二千歲

南方大荒有樹焉名曰如何三百歲作華九百歲作實華色朱其實正黃高五十丈敷張如蓋葉長一丈廣二尺餘似管亨色青厚五分可以絮如厚朴材理如支九子味如飴實有核長五尺圍如長金刀剖之則酸蘆刀剖之則辛不畏水火不畏白刃

南方荒中有瀨竹長數百丈圍三丈六尺厚八九寸可以爲船其笋甚美食之可以止瘡癟  
南方有樹鱗之林其高百丈圍三尺八寸促節多汁甜如蜜咋嚼其汁令人潤澤可以節蛇虫人臘中蛇虫其狀如蠍此消穀虫也多則傷人少則穀不消是甘蔗能滅多益少凡蔗亦然  
不盡木火中。有鼠重千斤毛長二尺餘細如絲但居火中洞赤時時出外而毛白以水逐而沃之即死取其毛績紡織以爲布用之若有垢穢以火燒之則淨

南方蚊翼下有小飛蟲焉日明者見之每生九卵復未嘗有殼後成九子蟄而復去蚊遂不知亦食人及百獸食者知言虫小食人不去也此虫既細且小因曰細蟻此虫常春生以季夏藏於鹿耳中名蠅鯈  
南方有獸似鹿而豕首有牙善依人求五穀名無損之獸人割取其肉不病肉復自復其肉惟可作餌使絶肥美而昨肉不壞吞之不入嘴盡更添肉復作餌名曰不盡餌也

南荒之外有火山長四十里廣五十里其中皆生不盡之木火鼠生其中

南方有銀山長五十里高百餘丈悉是白銀

西南荒經

西南大荒中有人長一丈腹圍九尺踐龜蛇戴朱鳥左手憑白虎知河海水斗斛識山石多少知天下鳥獸言語土地上人民所遺知百穀可食識草木鹹苦名曰聖一名哲一名賢一名無不達凡人見而拜之令人神智此人爲天下聖人也一名先通

國南方有人焉身多毛頭上戴豕貪如狼好自積財而不食人穀強者奪老弱者畏羣而擊單名曰饕餮

春秋言饕餮者縉雲氏之子也。一名貪惲。一名彊奪。一名凌弱。

西南荒中出訛獸。其狀若菟。人面能言。常欺人。言東而西。言惡而善。其肉美食之。言不真矣。一名誕。

### 西荒經

崑崙西有獸焉。其狀如犬。長毛四足似龍而無爪。有目而不見。行不開。有耳而不聞。有人知往。有腹無五臟。有腸直而不旋。食物徑過人。有德行而往。抵觸之。有凶德則往。依憑之。天使其然。名爲渾沌。春秋云。渾沌帝鴻氏不才也。空居無爲。常咤其尾。回轉仰天而笑。

西方荒中有獸焉。其狀如虎而犬。毛長二尺。尾長一丈八尺。擾亂荒中。名檮杌。一名傲很。一名難訓。春秋顓頊氏有不才子名檮杌。是也。有人面目手足皆人形。而脇下有翼。不能飛。爲人饕餮淫逸無理。名曰苗民。春秋所謂三苗。書云。『竈三苗於三危。』

西荒之中有人焉。長短如人。著皮結敗衣。手虎爪。名曰摸犧。伺人獨行。輒食人腦。或舌出盤地丈餘。人先聞其聲。燒火石以投其舌。乃氣絕而死。不然。食人腦矣。

西方日宮之外有山焉。其長十餘里。廣二三里。高百餘丈。皆大黃之金。其色殊美。不雜土石。不生草木。上有金人。高五丈餘。皆純金。名曰金犀。入山下一丈有銀。又一丈有錫。又入一丈有丹陽銅。似金可鑄。淮南子術曰。鈎丹陽之爲金是也。

西荒中有獸如虎。豪長三尺。人面虎足。口牙一丈八尺。人或食之。獸鬥終不退怯。唯死而已。荒中人張捕之。復黠逆知。一名倒毒。

西方深山中有人焉。身長尺餘。袒身捕蝦蟹。性不畏人。見人止宿。暮依其火以炙蝦蟹。伺人不在而盜人鹽以食。蝦蟹在深山臊其音。自呼人嘗以竹著火中燥州而出。臊皆驚懼犯之。令人寒熱。此雖人形而變化。然亦鬼魅之類。今所在山中皆有之。

西海上有人乘白馬。朱鬣。白衣玄冠。從十二童子馳馬西海上。如飛如風。名曰河北使者。或時上岸。馬跡所及。水至其處。所之之國。雨水滂沱。暮則還河。

西海之外有鵠國焉。男女皆長七寸。爲人自然有禮。其人皆壽三百歲。此人在鵠腹中不死。而鵠一舉千里。

西方山中有蛇。頭尾差大。有色五彩。入物觸之者。中頭則尾至。中尾則頭至。中腰則頭尾並至。名曰率然。茂先註云。會稽常山最多此蛇。孫子兵法三軍勢如率然者是也。

### 西北荒經

西北有獸焉。狀似虎。有翼能飛。便勦食人。知人言語。聞人門。輒食直者。聞人忠信。輒食其鼻。聞人惡逆。不善。輒食默往饋之。名曰窮奇。亦食諸禽獸也。

西北荒有人焉。人面朱髮。蛇身人手足而食五穀。禽獸貪惡愚頑。名曰共工。畫流共工於幽州。幽州北裔也。而此言西北方相近也。皆西裔之族耳。

西北荒中有玉饋之酒。酒泉注焉。廣一丈。長深三丈。酒美如肉。澄清如鏡。上有玉尊玉鑊。取一尊。一尊復生焉。與天同休無乾時。石邊有脯焉。味如麋鹿脯。飲此酒人不死。一名遺酒。其脯名曰追復。食一片復

一片。

西北荒中有二金闕。高百丈。金闕銀盤。圓五十丈。二闕相去百丈。上有明月珠。徑三丈。光照千里。中有金階。西北入兩闕中。名曰天門。西北荒中有小人。長一分。其君朱衣玄冠。乘輶車馬。居人遇其乘車。抓而食之。其味辛。終年不爲物所咋。并識萬物名字。又殺腹中三虫。三虫死。便可食仙藥也。

西北海外。有人長二千里。兩脚中間相去千里。腹圍一千六百里。但日飲天酒五斗。不食五穀魚肉。忽有飢時。向天仍飲。好遊山海間。不犯百姓。不干萬物。與天地同生。名曰無路之人。一名仁。一名信。一名神。

北方荒經

北方荒中有棗林。高五十丈。敷張枝條數里。餘疾風不能偃。雷電不能摧。其子長六七寸。圍過其長。熟赤如朱。乾之不縮。氣味潤澤。食之可以安軀。益於氣力。赤松子云。「北方大棗味有殊。既可益氣。又安軀。」北方荒中有石湖。方千里。岸深五丈餘。恒冰。唯夏至左右五六十日解耳。湖有橫公魚。長七八尺。形如鯉而赤。畫在水中。夜化爲人。刺之不死。以鳥枚二枚煮之。則死。食之可止邪病。其湖無凸凹。平滿無高下。

北方層冰萬里。厚百丈。有礪鼠在冰下土中焉。形如鼠。食草木肉。重千金。可以作脯。食之已熱。其毛八尺。可以爲褥。臥之却寒。其皮可以蒙鼓。聞千里。其毛可以來鼠。此毛所在。鼠輒聚焉。

北海有大鳥。其高千尺。頭紋曰天。胸又曰候。左翼文曰鷺。右翼文曰勒。頭向東。正海中央。捕魚。或時舉翼。

而飛其羽相切如風雷也。

東北荒經

東北荒中有木高四十丈葉長五尺廣三尺名曰栗其實徑三尺二寸其殼赤其肉黃白味甜食之令人短氣而渴。

中荒經

崑崙之山有銅柱焉其高入天所謂天柱也圍三千里周圓如削下有回房方百丈上有大鳥名曰希有背上小處無羽一萬九千里西王母歲登翼上會東王公也故其柱銘曰「崑崙銅柱其高入天圓周如削肩體美焉」其烏銘曰「有鳥希有碌赤煌煌不鳴不食東覆東王公西覆西王母王母欲東登之自通陰陽相須唯會益工。

九府玉童玉女與天地同休息男女無爲匹配張茂先曰「言不爲夫妻也」男女名曰玉人。

東方有宮青石爲牆高三仞左右闕高百尺畫以五色門有銀榜題曰天地長男之宮西方有宮白石爲牆五色玄黃門有金榜而銀鏤題曰天地少女之宮中央有宮以金爲牆門有金榜以銀鏤題曰天皇之宮南方有宮以赤石爲牆赤銅爲門闕有銀榜題曰天皇中女之宮北方有宮以黑石爲牆題曰天地中男之宮東南有宮黃石爲牆黃榜碧鏤題曰天地少男之宮西北有宮黃銅爲牆題曰地皇之宮南方有獸焉角足大小形狀如水牛皮毛黑如漆食鐵飲水其糞可爲兵器

北方有獸焉其狀如獅子食人吹人則病名曰懨恒近人村里入人居室百姓患苦。

西方深山有獸焉。面目手足毛色如猴。體大如驢。善緣高木。皆雌無雄。名綱順人。三合而有子。要路彊牽男人。將上絕塚之上。取粟並竊五穀食。更合三里而定十月乃生。不孝鳥狀如人身犬毛。有齒。豬牙額上有文曰不孝。口下有文曰不慈。鳥上有文曰不道。左脅有文曰愛夫。右脅有文曰憐婦。故天立此異界以顯忠孝也。